

PROFVnda
Inscrutabilium ab Æterno
DEI OMNIPOTENTIS,
Circa Electos & Reprobos Decretorum
Arcana,
OPPOSITIS ADVERSÆ SENTENTIÆ,
COMBINATIONIBVS ELVCIDATA.
AUGVSTISSIMÆ,
VIRGINIASCETICÆ, DISCALCEATI
CARMELITICI ORDINIS,
INCLYTÆ PARENTI,
D. THERESSIÆ,

N E C N O N
Meritissimis Præstantissimæ, S. Spiritûs,
ORDINIS CARMELITARVM
DISCALCEATORVM IN REGNO
POLONIÆ PROVINCIÆ PATRIBVS.

A
Theologico Generali Craco-
uiensi Ordinis Prædicatorū
Prouinciæ Poloniæ Studio
DEDICATA.

Anno quo
ns DoCet, & stat LeX, regnat reX, paX fIt ab hoste.
CRACOVIAE, TYPIS VNIVERSITATIS.



DOMINICO sponsas IESV Rex CHRISTE THERESSAM ~
Quum stipulata manus stringitur alterutrum.
Sponsa Patri Mater: fructus vis nosse quis inde?
CAR MELI miro fulget Honore DECUS.
Dumque studeat THOMÆ Gusmanis factus Achates.
Hoc PAR amicitiae nulla resoluat hyems.



A V G V S T I S S I M Æ In Ecclesia Militati Deboræ, S A N C T I S S I M Æ V I R G I N I T H E R E S S I Æ.



Ltissima Diuina Sapientiae arcana, profundissimas Decretorum abyssos, inscrutabileq; voluntatis eius consilium, cui magis quam Ascetica decet inscribere Matri? Non licuit extra Iustitiae exerrare orbitam, Sanctissima Discalcedati Carmelitici Ordinis PAREN'S, Seraphica VIRGO THERESSIA, ac incomprehensibilem Omnipotentis sensum, ineffabile circa electos & reprobos judicium, alteri quam Tu dicare sanctitati, cuius profunda (in Ascetica vita) mystica Theologia Dogmata, Dilectus qui pascitur inter Lilia Sponsus Unigenitus DEI FILIUS, crebris instillauit reuelationibus cordi. Dupli ad Te Sanctissima Virgo provocamur ratione, quo praesentem Tu inscribamus Sanctitati labore: cum & immensa Vita Tu Sanctimonia, ob quam in Sacris Segobianis Edibus, per ipsum Salvatorem, Mellifluâ cœlestis voce oris, Cum Amico meo oblectare interim. receptâ, Sanctissimo Patriarchæ nostro DOMINICO desponsari meruisti, & preclara Filiorum Tuorum, erga Divinissimum Praeceptorem Doctorem Angelicum, ac totum Prædicatorum Ordinem; id postulet propensio: aut enim Tui Sanctissimo Praeceptoris suas inscribunt Theses Filij, aut si alijs dicant, fortissime tamen, in doctrina Thomistica de eius impugnatoribus triumphant. Grata memoria, jucundam facit præstantissimorum Complutensis & Salmaticensis Collegij Patrum nostris cordibus con-

B.XII-16

solationem, quia Doctrinæ Aquinaticæ fructus, soli debere se fa-
tentur Aquinatico lumini, Doctori inquam Angelico: Illum so-
lum venerantur Magistrum, illi soli suos consecrant labores. Quid
de fortissimo in Area Thomistica loquar Athleta Germano Thila-
lete Eupistino, qui Doctorum Ecclesiae Sanctorum Patrum aduna-
tam demonstrans Theologiam, ipso met ad enucleatæ assensum Con-
cordiæ, associanit triumphans discordes animos? Quin & nuper
eximum Prouincia Poloniae Conuentus Sanctorum MICHAELIS
& JOSEPH Collegium; suis Philosophiae Rationalis gloriose in
præsentia Ornatisimorum Virorum propugnatis ac defensis Conclu-
sionibus, in Sanctissimum Angelicum. sua declarauit Studia Pra-
ceptorem: ipsi partorum Studioe Concertationis trophæorum sa-
crando manubias. Nonnè Tessa amoris est ista? nonnè grati-
tudinis erga Diuum nota Magistrum? nonne perennaturæ utri-
usq; Ordinis amicitia illicium? Quare tantis & Tuæ sanctita-
tis Seraphica VIRGO THERESSIA. in Ordinem Prædicatorum,
ac Sanctum Doctorem meritis, (quæ æuternum Filijs Tuis
ut sectarentur inconcussam Angelicæ viam Doctrinæ reliquisti in-
stitutum) & Tuorum inexpugnabilis Thomistica Argyraspidum
militia affectibus, ad recipiendos vocamus fauores. Tibi hæc firma
ac solida Aquinaticæ dedicamus scientiæ Dogmata, non aliam à
Sanctitate Tua expectantes mercedem, quam indissoluble & peren-
naturum Filiorum Tuorum cum Ordine Prædicatorio amicitie
vinculum.

Tuæ Sanctitatis

Deuotissimum semper

Theologicum Cracoviense Ordinis
Prædicatorum Prouincia Poloniae
Studium Generale.



QVÆSTIO THEOLOGICA.

Vis cognouit sensum Domini? aut quis consiliarius eius fuit? aut quis prior dedit illi, & retribuetur ei? *Ad Rom: cap: 11. v. 34.*

THEOLOGI Speculatiui, demonstratâ existentiâ DEI OPT: MAX: ex effectibus creatis, eâ solâ cognitione non contenti, desiderant ulterius cognoscere sensum Domini, & quasi seipso superexcedentes, studiosè ultra hoc volunt, inscrutabilia Decretorum eius scrutari arcana, & ineffabilem ab æterno eius inuestigare voluntatem.

Quare vñus vocetur ad fidem, aliis non? vñus baptisetur, aliis non? cur istis & non illis Euangelium prædicetur? vno verbo: quare hunc trahat, & illum non trahat? quare vñus prædestinetur, aliis reprobetur? usque modò in Scholis Theologorum publicè disputatur, deciditur & decernitur, & variè à varijs decreta D E I disponuntur ac dispensantur.

Quare meritò Theologi Speculatiui, Consiliarij & Secretarij Supremi Dominij D E I appellari possunt: qui studiose inquirentes Divinæ Sapientiæ consilia, & quo nos Supremus Conditor moderamine judiciorum regat, supernarum dispositionum, occultas prædestinationis causas, & secretorum D E I altissimas rationes decernunt & determinant. Sed quoniam incomprehensibilia judicia D E I, & omnem vim ingeniorum superant inuestigabiles viæ eius: ideo quæ sint Supremi Iudicis super filios hominum determinata consilia, quæ & qualia Decreta ab æterno, dum sensum Domini explorant, in varias abierunt sententias.

Thomistæ cum verioribus Scotistis, Absoluti Dominij rigidi Defensores, D E V M omnia decernere ex plenitudine potestatis asserunt, nec dependere à prævisione consensus, in prædefinitione & prædeterminatione Actuum liberorum.

Vnde D E V M simpliciter & absolute conuertere voluntates hominum: D E V M volentes ex nolentibus efficere: motionem Divinam auferre duritiem cordis, gratiâ victrice & prædeterminatrice: D E V M inclinare corda hominum quò & quando voluerit: D E V M non prærequiri certas temporis occasiones & morum dispositiones: D E V M mouere voluntatem faciendo ut velit. Et hi merito Supremi & Monarchici Dominij Consiliarij appellari possunt.

Per oppositum, alij in humana vota faciliores, & quasi blandiendo suauiori Dominio DEI, & libertati creatæ, prius dant libero arbitrio partes. Quare prius opus esse præscientiâ conditionati consensûs, ut aliquid Supremum Imperium DEI circa actus liberos creature decernat, afferunt. Ex consequenti fit in sententia illorum, DEV M absolutè non conuertere voluntates hominum, sed sub conditione, si scilicet ipsi voluerint, & se determinauerint; DEV M volentes ex præuisis volunturis efficere: Motionem Diuinam mollitiem cordis supponere, nempe ipsam determinationem liberi arbitrij: DEV M inclinare corda hominum, quò & quando ipsis placitum viderit: DEV M alligari certis circumstantijs & morum dispositionibus, nec non expectare consensum voluntatis: DEV M mouere voluntatem si velit. Quare gratiam DEI ad opus salutare requisitam, siue prævenientem, siue excitantem, siue adiuuantem, tam physicè, quam moraliter, etiam discretiūm actu credentis à non credente, subdunt libero arbitrio, quo ad usum, applicationem & determinationem. Decreta autem Thomistica plusquam Adamantina vocant: & fatalem quandam inducuntia necessitatem, quā positā, impossibile videtur illis, justitiam sustinere increpationum, Dominium defendere libertatis, & causalitatem à DEO remoueri peccati, si inseparabiliter & indeclinabiliter, sibi subiçiant voluntatem. Vnde hæc propositio: Voluntas ab auxilio gratiæ amabit, vel voluntas à DEO conuertetur, non habet apud illos absolutam veritatem, sed solùm conditionatam: non enim est infallibiliter apud illos verum, quod voluntas ab auxilio gratiæ mota amabit, nisi sub hac conditione, si se determinabit ad amorem vel conuersiōnem: Hi merito Consiliarij Dominij Polytici, & quasi Ciuilis de-nominari possunt.

Ad duas ergo Sententias reducuntur omnes de efficacia gratiæ & Decretorum DEI, & quicquid verbo dixeris, vnam re ipsâ tenes. Prima quæ dicit: Gratiam esse sibi & libero arbitrio causam, cur hic & nunc influant in actum fidei, v.g. & in hac sententia Gratia applicat & determinat arbitrium. Secunda quæ dicit, liberum arbitrium esse sibi & gratiæ causam, cur hic & nunc influant in opus, scilicet in actum fidei supernaturalis vel amoris Diuini. In Prima igitur sententia usus liberi arbitrij totaliter subiçitur gratiæ efficaci. Vnde vt DEVs decernat efficaciter alicui dare actum fidei, sufficit ut cognoscat se habere potestatem dandi talem gratiam, & media, sibi totaliter subiçendi liberum arbitrium. Ex hac sola simplicis intelligentiæ cognitione, nullâ præcedente & explorante, dispositionem liberi arbitrij præscientiâ, decernit vni dare actum fidei, alteri denegare. In hac ergo sententia Thomistica, Decretum discretiūm suam non habet efficaciam, ratione alicuius præscientiæ, sed ex Omnipotenti potestate.

In Secunda Sententia usus gratiæ totaliter subiçitur libero arbitrio; vnde vt DEVs decernat efficaciter dare alicui actum fidei, debet prius præuidere dispositionem liberi arbitrij, secundum quam in certis circumstantijs

stantijs vteretur gratiâ, si illi daretur in dictis circumstantijs, in alijs autem non vteretur. Ex hac ergo exploratrice præscientiâ decernit efficaciter dare vni actum fidei, alteri denegare, vel ponere vnum in circumstantijs, in quibus prævidit liberum arbitrium usurum gratiâ, & alium non ponere. In hac ergo Sententia Decretum discretuum non ex Omnipotenti potestate, sed ratione aliquius ex præscientiâ determinationis sortitur efficaciam, nempè quia antecessit præscientia conditionatæ determinationis ad credendum.

Hinc inter Thomistas & Aduersarios eadem est de principijs æternis, ac de temporalibus difficultas. Id enim quod D E s facit in tempore, est ab æterno efficaciter prævolitum, & certò præscitum, sicut in tempore. Duo sunt principia actus, v.g. Fidei, Gratia, & Liberum arbitrium: ita in æternitate, duo sunt principia actus fidei, Prævolitio & Præscientia. Nullus Catholicorum hoc negat, sed eadem reddit de principijs æternis, ac de temporalibus difficultas. An scilicet sicut in principijs temporalibus, vnum est causa influendi alterius, vel enim gratia, siue sit adjuvans, siue excitans, est causa, cur liberum arbitrium hic & nunc influat in actum fidei, id est, vel gratia determinat & applicat liberum arbitrium ut credat; vel è conrra: liberum arbitrium gratiam, & omnes collectiones gratiarum. Ita in æternis quæritur, An vnum sit ratio alterius, ita ut vel efficacia Decreti oriatur ex certitudine alicuius præscientiæ, vel certitudo præscientiæ oriatur ex efficacia alicuius Decreti. Primum Decretum vocari potest: Decretum ex Omnipotenti efficax, & hoc Thomisticum. Secundum Decretum dici potest: Decretum ex præscientia efficax, & hoc Molinisticum (quo gratiâ disputationis admissio & scientiâ mediâ sui Genitrice) licet videantur ad sensum facilius componere prædefinitiones actum liberorum, illæsâ eorum libertate, sed re benè perspectâ, & intimius consideratâ, non solùm in easdem, sed & in maiores incident & profundiùs merguntur difficultates, quas pati videtur sententia Thomistica, ex parte gratiæ, libertatis creatæ, immò aëtus peccati. Quod sequentes combinationes ad oculum demonstrant.



LIBERTATIS

Prædeterminatio
Decretum ex Omnipotentia.

Easdem patiuntur difficultates.

1. Deus decernit Petrum creditum sine laſione libertatis: quia vult, quod in ipsis circumstantijs, non ſolum credat, ſed etiam liberè credat.
2. Ideo in ipsis circumstantijs liberè credit, quia prævolitum eſt decreto ex Omnipotentia efficaciter, quod ſe determinaret ad credendum.
3. Necesſe eſt fieri quod eſt à Deo prævolitum: ſi ergo prævolitum eſt Decreto antecedente omnem præſcientiam, ut Petrus in ipsis circumstantijs ſe determinet liberè ad credendum, necesſe erit, Petrum in ipsis circumstantijs ſe determinare ad credendum.
4. Necesitas à libertate præuoluta dependens, non eſt antecedens ſed conſequens, quia non minus coniungitur libertati, quod infert libertatem, quam quod ſupponit libertatem.

Minores patiuntur difficultates.

1. Decretum ex Omnipotentia, ſubdit totaliter Deo liberam voluntatis creatæ determinationem.
2. Defenditur à Sancto Auguftino, contra ſuos Impugnatores.
3. Subdit arbitrium, ut in Domino non ſeipſo glorietur.

Præſcientia
Decretum ex Præſcientia.

1. Deus decernit Petrum creditum ſine laſione libertatis: quia præſcit, quod in ipsis circumstantijs, non ſolum credet, ſed etiam liberè credet.
2. Ideo in ipsis circumstantijs liberè credit, quia præſcritum eſt, quod ſe determinaret ad credendum.
3. Necesſe eſt fieri quod eſt à Deo præſcritum: ſi ergo præſcritum eſt præſcientiā antecedente omne Decretum efficax, quod Petrus in ipsis circumstantijs ſe determinet liberè ad credendum, necesſe erit, Petrum in ipsis circumstantijs ſe determinare ad credendum liberè.
4. Necesitas dependens à libertate præſcrita, non eſt antecedens ſed conſequens, quia non minus coniungitur libertati, quod ſupponit libertatem, quam quod infert libertatem.

Maiores patiuntur difficultates.

1. Decretum ex præſcientia, non ſubdit Deo totaliter liberam voluntatis creatæ determinationem.
2. Defenditur ab Impugnatoribus, contra Sanctum Auguſtinum.
3. Eleuat arbitrium, ut in ſeipſo, non in Domino glorietur.

GRA

GRATIA PRÆDETERMI- NANS THOMISTICA.

1. Datur vni gratia determinans arbitrium, quæ non datur alteri.
2. Cur vni detur gratia determinans arbitrium & non alteri? Respondet Apostolus: Tu homo quis es, qui respondeas D e o?

GRATIA DETERMINATA ADVERSARIORVM.

1. Dantur vni certæ circumstantiæ, quæ non dantur alteri.
2. Cur vni dentur circumstantiæ certæ, quæ non dantur alteri? Respondet Apostolus: Tu homo quis es, qui respondeas D e o?

THOMISTÆ CVM D. AVGUST.

1. Si Tyrij videant miracula, dabuntur eis gratia faciens eos credere, quæ non datur Iudæis videntibus miracula.
2. Quid præ Tyrijs increpamur? Nam æquè benè ac Tyrij credidimus, si voluisset D e s nos dare gratiam determinantem, quam dedisset Tyrijs.
3. Væ tibi Corosaim, quia voluntariâ tuâ obstinatione, post tot signa, auxiliū determinans arbitrium tibi paratum, vel dandum impedivisti, quod sibi paratum Tyrij non impedivissent, gratiâ determinante eorum arbitrium, si tot signa eis facta fuissent.

ADVERSARII.

1. Si Tyrij videant miracula, ponentur in circumstantijs congruis, in quibus non ponentur Iudæi videntes miracula.
2. Quid præ Tyrijs increpamur? Nam æquè benè ac Tyrij credidimus, si voluisset D e s nos ponere in circumstantijs illis, in quibus posuisset Tyrios.
3. Væ Tibi Corosaim, quia voluntariâ tuâ obstinatione, post tot signa, auxilium ab arbitrio determinandum tibi paratum vel datum, reddidisti inefficax, quod sibi Tyrij reddidissent efficax, arbitrio eorum determinante gratiâ, si tot signa illis facta fuissent.

OBIICIVNT ADVERSARII THOMISTIS.

Quis non intelligat aut videat justissimam fore Iudæorum excusationem? si Respondeant: se quoq; fuisse credituros, si data eis fuisse gratia efficax, faciens credere.

OBIICIVNT THOMISTÆ ADVERSARIIS.

Quis non intelligat aut videat justissimam fore Iudæorum excusationem? si Respondeant: se quoq; fuisse credituros, si positi fuissent in circumstantijs congruis.

INSTANT ADVERSARII.

Iniquum est ac prorsùs alienum, non solum à Diuinitate, sed ab ipsa humanitate, ipsis, scilicet Iudæis vitio verti, quod non præstiterint: Quod ij, qui præ ipsis, Omnipotenti gratiâ adjuti fuissent.

INSTANT THOMISTÆ.

Iniquum est ac prorsùs alienum, non solum à Diuinitate, sed ab ipsa humanitate, ipsis, scilicet Iudæis, vitio verti, quod non præstiterint: Quod ij, qui præ ipsis, in circumstantijs congruis positi fuissent.

Minores patitur difficultates.

1. Gratia determinans arbitrium, est prima radix discretionis bonorum à malis.
2. In gratia determinante, voluntas est pedissequa, & gratia Domina, hæc totum tribuit D E O, ut arbitrium in nullo glorietur.

Maiores patitur difficultates.

1. Arbitrium determinans gratiam, est prima radix discretionis bonorum à malis.
2. In gratia determinata, voluntas est Domina, & gratia pedissequa, hæc partem sibi vendicat, partem relinquit D E O, & primam sibi dat.

LIBERTAS PRÆVOLITA.

Easdem patiuntur difficultates.

1. Quidquid fit ex suppositione libertatis, non potest ladedere libertatem, etiamsi antecedat actum liberum.
2. Ergo quod fit ex suppositione libertatis prævolitæ, decreto effaciendi antecedente præscientiam, non potest ladedere libertatem, etiamsi antecedat actum liberum.
3. Ratio consequentiæ est, quod est prævolitum, non est conditio destruens libertatem; alioquin non posset dici libertas prævolita, sed deberet dici necessitas prævolita.

LIBERTAS PRÆSCITA.

Easdem patiuntur difficultates.

1. Quidquid fit ex suppositione libertatis, non potest ladedere libertatem, etiamsi antecedat actum liberum.
2. Ergo quod fit ex suppositione libertatis præscitæ & prævolitæ, decreto subsequente præscientiâ, non potest ladedere libertatem, etiamsi antecedat actum liberum.
3. Ratio consequentiæ est, quod est præscitum, non est conditio destruens libertatem; alioquin non posset dici libertas præscita, sed deberet dici necessitas præscita.

Minores patitur difficultates.

1. Libertas prævolita facit secundum liberum in sua libera determinatione, dependere à primo libero, similiter & secundum determinans à primo determinante.
2. Ideò gratia prædeterminans supponens libertatem prævolitam, est congrua libertati secundi liberi.

Maiores patitur difficultates.

1. Libertas præscita tollit dependentiam secundi liberi in sua libera determinatione, à primo libero, & secundi determinantis à primo determinante.
2. Ideò gratia congrua supponens libertatem præscitam, est incongrua libertati secundi liberi.

CONCVRSVS PRÆVIVS AD MATERIALE PECCATI.

Easdem patiuntur difficultates.

CONCVRSVS PEDISEQVVS AD MATERIALE PECCATI.

1. Deus concursu praevio, determinat libertatem ad actum odij, hic & nunc liberè ponendum.

2. Non tamen determinat ad malitiam; quia actus odij hic & nunc liberè ponendus, habet duas rationes: Vnam, ad quam sequitur malitia: alteram, ad quam non sequitur malitia: Deus autem determinat ad actum odij, hic & nunc liberè ponendum, sub illa ratione, ad quam non sequitur malitia.

1. Deus concursu pedissequo, determinatur à voluntate creata ad actum odij, hic & nunc liberè ponendum.

2. Non tamen determinatur ad malitiam, quia actus odij, hic & nunc liberè ponendus, habet duas rationes: Vnam, ad quam sequitur malitia: alteram, ad quam non sequitur malitia: Deus autem determinatur ad actum odij, hic & nunc liberè ponendum, sub illa ratione, ad quam non sequitur malitia.

OBIICIVNT THOMISTIS ADVERSARII.

Injustum & Diuinæ bonitati repugnans videtur, quod Deus aeterno supplicio hominem puniat, propter actus peccati, quos ab aeterno praedefiniuit eum elicitorum, & ad quos eliciendos præmotione efficacissimam, & cum actu indissolubiliter conexa, voluntatem eius applicauit & determinauit. Videtur enim sic procedere: sicut, si iudex rem alienam mitteret in peram aliquius, & postea illum tanquam de furto convictum morti adiudicaret.

THOMISTÆ RETOR- QVENT.

Injustum & Diuinæ bonitati repugnans videtur, quod Deus cum videat per scientiam medium infinitas occasiones & circumstan-
tias, in quibus homo non erat peccator, sed bene operatus, nolit tamen in illis constituere, sed potius in alijs, in quibus per eandem scientiam praesciuit eum infallibiliter in peccatum lapsum. Videtur enim sic procedere: sicut, si quis duceret aliquem ad fastigium Tauris, vel ad superciliū montis, ex quo certò sciret eum in precipitum lapsurum: vel in sylvam, in qua deberet à latronibus spoliari & iugulari: talis censeretur esse causa solū permisiva, & non positiva mortis illius?

Minores patitur difficultates.

Concursus praeius non potest esse causa physica malitiæ; quia voluntas ut deficiens non subditur illi; est tamen causa physica bonitatis, quia voluntas ut efficiens subditur illi.

Maiores patitur difficultates.

Concursus pedissequus debet esse causa physica malitiæ, non minùs ac est causa physica bonitatis; quia quantum est ex parte Dei, æqualiter determinatur à voluntate ad bonitatē vel malitiā.

THOMISTÆ.

Ideò perditio nostra ex nobis, & auxilium nostrum in solo D E O est, cui honor, & gloria in s e c u l a fæculorum, Amen.

ADVERSARI.

Ideò perditio nostra ex D E O, & auxilium nostrum à propria voluntate. Cui honor? cui gloria?

Disputabuntur publicè ad Ædes Sanctissimæ Trinitatis,

OBIECTIS SATISFACIENTE

R. P. Fr. ALANO BARDZINSKI,
Studente Formali,

S V B A S S I S T E N T I A

Adm. R. P. Fr. CASIMIRI LEZENSKI,
Eiusdem Studij Regentis.

Anno 1681. Mense Martio, Die 4. Soni pomerianis.



XII. 16



716642 Bibliotheca 5 600,-
P.P. Camaldulensium in Bielany

Depozyt w Bibliotece Jagiellońskiej



06904

